

**Zeitschrift:** Annalas da la Societad Retorumantscha  
**Herausgeber:** Societad Retorumantscha  
**Band:** 89 (1976)

**Artikel:** Notaporta Gaudenz : 15-3-1905 fin 14-9-1973  
**Autor:** Stupan, Victor / Gaudenz, Notaporta  
**DOI:** <https://doi.org/10.5169/seals-232142>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 02.02.2025

**ETH-Bibliothek Zürich, E-Periodica, <https://www.e-periodica.ch>**

# Notaporta Gaudenz

15-3-1905 fin 14-9-1973

da Victor Stupan

Malgrà ils gronds mierts cha'l trapassà ha gnü sainza dubi per lingua e cultura rumantscha, per sia stretta patria, mo eir sco meidi daintist, surtuot sta davant mai l'uman Notaporta Gaudenz. Il giuven ami da la Ladinia a l'università da Turich, fingià quella jada activ, pront a mincha sacrifici aint il ravuogl da nossa società da stüdens.

Per la festa centrala in Engiadina (quella jada gniv'la organisada e spigiantada dals stüdens) tradüaiva'l tocs teater e surpigliaiva la rolla principala.

In nossas tschantadas, davo fini las discussiuns, d'eira'l ün allegraivel ami, adüna da buna glüna, pustüt schi's trattaiva da dar üna chantada. Eu til vez amo cò ch'el as büttaiva sün sa sopcha ün zichin davo giò e surtuot co cha seis ögls glüschivan cur ch'el chantaiva. Inclegiantaivel ch'el d'eira commember dals «Singstudenten».

Mo eir davopro til n'haja inscuntrà bleras jadas in radunanzas rumantschas. Eir quia las discussiuns d'eiran bain suvent düras e sgrudibladas e minchatant as dumandaiva chi chi chattarà la foura our dal battibuogl. Bricha cha Notaporta füss stat l'hom dals cumpromiss per tuotta forza, mo el savaiva dir quai chi stuvaiva gnir dit in üna maniera quieta, clera, concilianta, chi bleras jadas persvadaiva ad ambas parts. Da listessa taimpra — schi's trattaiva da la Rumantschia o da sia stretta patria — d'eiran eis seis artichels aint il «Fögl Ladin».

Notaporta ha gnü perseveranza in sia lavur. El nun ha, eir in mumaints critics, mai tschüf il stramantamaint.

Divers ons è'l stat president da l'Uniun dals Grischs, 20 ons a l'inlunga ha'l organisà las festas da l'Uniun dals Grischs a Scuol. El ha tscherchè e s-chaffi neologissem rumantschs e miss insembel tuot in ün cudaschet «S-chet rumantsch».

Our da la penna dal daintist sun fluidas lavuors scientificas chi palaintan l'importanza da las auas mineralas e dal «fluor» pel mantegniment da la daintadüra.

Mettain amo alch terms süil cuors da sia vita.

Sia prüm'infanzia ha'l passantà a Schlarigna. Cun 7 ons la famiglia ha fat müdada a Scuol, ingio cha Notaporta ha frequentà la scoula primara e secundara.

Seis bap, arcugnuschond las grondas valuors umanas aint illa vita paurila, til vaiva destinà per far il paur. La scoula commerciala a Cuoiria ha'l frequentà be tant per'avair üna basa ün zich plü vasta. Tgnond inavant in ögl la mera dad elavurar la terra, ha'l fat il stüdi dad indschegner agronom e sia pratica sün bains sper Versailles e Firenze. Pür davo, vezziond a gnir vacanta la pratica da daintist da seis barba a Scuol, s'ha'l decis da dvantar seis successur. I seguittan lura l'examen da maturità a la «Minerva» e'ls stüdis da daintist a Freiburg, a Genevra ed a Turich.

El es lura tuornà per adüna a Scuol e s'ha maridà dal 1938 cun Florinda Sarott, chi til ha regalà trais uffants in üna lai furtünada.

Sco entusiasrà chantadur ha'l amo tut part cul cor viril d'Engiadina bassa a la festa federala a Turich. Apaina tuornà a chasa la malatia, chi ha lura manà a la mort, s'ha fatta palaisa. Notaporta Gaudenz es mort als 14 settember 1973.

I'm para dad avoir dat ün sguard sün üna vita vairamaing accumulida. E tantüna per nus tuots chi til vain cugnuschü sco ami e sco defensur da nos patrimoni e surtuot pels Seis es el mort massa bod. Co vess el giodü — davo üna lunga vita, plaina da lavur — amo alch ons da recreaziun aint il ravuogl da sia famiglia giò «Bügl grond», e che vess el amo tuot fat per sia stretta patria e pel rumantsch?



